




吳子副詮

單

113  
920  
2



13  
920  
2

吳子副詮

宋代創武經七書之名。然除孫吳外，槩屬偽贋。孫子注不下數十家。後世兵家皆祖述而講明之。殆無遺說。但吳子亞孫子而專攻之者，尠頃爲武弁子弟講此書，因就本文插入數字，旁復粗下腳語，欲其易曉也。名之曰副詮。猶言本文爲將帥而詮爲之副云耳。至於詮大意，則出於鄙說者居

十之三餘大抵與古人所釋同。今不復識別。讀者須知時。天保十一年春仲月上。澣二日。識於愛日樓南軒。一齋居士。

圖國第一

篇題四字。劉本移在次章首。

晉大夫名斯

揚升菴曰。兵原儒者之事。以文武分者俗儒之陋說也。

吳起服儒服。以兵家機事見魏文侯。文侯曰。寡人不好軍旅之事。起對曰。臣以見於外者。占隱於內者。以既往之迹。察將來之事。主君何其言之與。本心違乎。今君四時獵獲衆獸。使斬離其

開利

皮革掩之。以朱漆之材。畫之以丹青之色。爍之

則字如赤字用下同。似是為戎服之料。

以犀象之形。冬日夜之。則不溫。煖夏日夜之。則

此是全然兵器

不清涼。為長戟二丈四尺。短戟一丈二尺。革車

處有戶

皆革飾也

似是為兵車之備

掩戶。縵蔽兩輪。籠罩長轂。觀之於目。則不華麗。

乘之以田。則不輕疾。不識主君安用此也。無乃

為軍旅之具乎。是臣占隱察來之說也。若果以

此備進戰退守之用。而不求良將之能用之者。

伏離

乳字

譬猶伏鷄之搏狸。乳犬之犯虎。雖有鬪心。隨之

吳子副註

二

文武一體也。武備不也。則文德亦無逮矣。仁義即文德起之。需服說兵以此也。

即死矣。不亦可憫乎。昔者承桑氏之君。但修文

古諸侯

德。廢武備。以滅其國家。有扈氏之君。但恃衆好

勇。不修文德。以喪其社稷。明主鑒茲二君之失。

必內修文德。以撫綏百姓。外治武備。以防虞寇。

只是不足意

攘。故當敵之兵。而不為進戰。則無逮於義矣。見

已上吳子千用之說也

僵屍而徒哀之。則無逮於仁矣。於是文侯有所

以酒灌地

感激。身自為起。布席。夫人捧持觴酒。醮告吳起。

與秦接壤

於祖廟。立以為大將。守西河。乃與諸侯大戰。凡

七十六度。得全勝者六十四度。其餘則均解闢。

無勝負

土四面。拓地千里。皆起之功也。

劉太原曰。此章後人總敘吳起始末。非起

所自作也。

吳子曰。昔之人君圖治國家者。必先教訓百官。

國軍陣戰

闕國農兵

族姓。而親附萬民。有四不和。不和協於國。則民

將吏士卒

心乖違。不可以出軍。不和協於軍。則衆心乖違。

行列部伍

不可以出陣。不和協於陣。則行伍乖違。不可以

王弼洲曰。歷觀古今。敗局皆由不和。此數句。真不易之論。

吳子副論

三

孟子非說  
兵者然曰  
地利不如  
人和是其  
用兵之訣  
蓋已一句  
道盡

反本復始  
舊解多據  
宋儒說經

之旨非也  
吳子立言  
參用黃老  
釋之宜原  
其意或謂  
吳子學於  
曾子可疑

坐作進退

後言士民

吉不

進戰不和協於戰則進退乖違不可以決勝是  
以有道之主將用其民必先四者和而後敢造  
戰伐之大事然尚不敢自信其私謀必祭告於  
祖廟啓問於元龜參驗之天時之順不順皆吉  
乃後舉兵民知君之愛其命惜其死若此之至  
極而與之臨難則士以前進致死為榮幸以退  
後偷生為恥辱矣

吳子曰夫道者所以反還根本復歸樸始也義

者所以行事立功也謀者所以違害就利也  
要者所以保業守成也若其所行不合於道所舉  
不合於義而處大位居高貴則患難必及之矣  
是以聖人綏之以道德理之以義方動之以禮  
節撫之以仁愛此四德者能脩而行之則國家  
興廢而棄之則國家衰故成湯討桀而夏民不  
非而喜悅焉周武伐紂而殷人喜悅而不非焉  
其所舉應順天人故為能然矣

吳子副註

四

五四三二  
一宜得其  
意不必拘  
其數  
吳子意中  
所期蓋在  
三勝者霸  
二勝王一  
勝帝但立  
言如此耳

吳子曰。凡制國家。治軍旅。必要教導之以禮節。激勸之以義方。使之有恥辱之心也。夫人苟有恥辱之心。則其力在大者。足以進戰。力在小者。足以自守矣。然以戰而勝者。易以守而勝。則實難矣。故昔人有言曰。天下戰國。五戰而皆勝者。必自取禍凶。四戰而皆勝者。必自弊其國力。三戰而勝者。必立霸功。二戰而勝者。必開王基。惟一戰而勝者。必成帝業。是以數勝而得天下。

者幾稀。以數勝而亾國者。則極眾矣。

圖王定霸

吳子曰。凡兵之所由起者有五等。一曰因爭名。

土地人民

而起兵。相攻。二曰因爭利而起兵。相伐。三曰因

二國交惡

積惡而起兵。征之。四曰因內亂而起兵。滅之。五

民窮思亂

曰。因饑饉而起兵。襲之。其兵之名又有五等。一

曰。義兵。以義服人也。二曰。強兵。以力勝人也。三

曰。剛兵。以剛忿而制人也。四曰。暴兵。以暴虐而

無禮於人也。五曰。逆兵。上逆天道。下逆民心也。

吳子

五

禁兵之暴。救人之亂。是名曰義。恃兵之衆。以伐  
降國。是名曰強。因私怒興師。伐之。是名曰剛。蔑  
棄典禮。貪人之利。是名曰暴。國中自亂。人民疲  
困。又舉事動衆。征伐不已。是名曰逆。五者之服。  
各有其道。義者。必以禮服之。強者。必以謙服之。  
剛者。必以辭服之。暴者。必以詐服之。逆者。必以  
權服之。

名擊。文公下。

武侯問曰。願聞。整治兵衆。料度人民。固守國家。

之道。起對曰。古之明王。必謹慎。君臣尊卑之禮。  
修飾上下品秩之儀。安集吏民。使各得其所。順  
俗而教。不强所不能。簡募良材之士。以備不虞  
之用。昔齊桓公募召材勇之士五萬。以霸諸侯。  
晉文公召勇敢可爲前行者四萬。以獲其志。秦  
穆公置可陷敵陳者三萬。以服四隣之敵國。故  
強國之君。必料度其民。以爲兵。民有膽勇氣力  
者。聚爲一卒。樂以進戰。效力以顯其忠勇者。聚

為一卒能踰高處越超遠地輕足善走者聚為一卒王臣嘗失其職位而今欲見功於上以償中前過者聚為一卒嘗棄城去其守而今欲力戰取勝以雪除其醜辱者聚為一卒此五者軍之練習精銳者也苟有此三千人則自內奮出可以決重圍開自外攻入可以屠堅城矣

武侯曰願聞陳必定守必固戰必勝之道起對曰眼前立見之且可也豈直聞而已乎君能使

曹雲父曰三已字是斬釘截鐵真有不戰屈入意

楊什菴曰為君者請思致此之道

賢者居上位不肖者處下位則陳已定於平日矣是立見也使民安其田宅親其有司則守已固於平日矣是立見也使百官族姓皆是吾君之德與政而非隣國之君則戰已勝於平日矣是立見也夫如此尚何有陳守戰之可必乎

王陽明曰先自治而後治人不謂吳起見亦及此

武侯嘗謀國事羣臣皆莫能及罷朝而有喜色

吳子副益



曾雲父曰  
從來大聖  
大賢其道  
德足為君  
之師表者  
決不肯輕  
售必入主  
有聖德以  
感召之又  
盡禮迫以  
致之彼方  
幡然動其  
澤民之志  
而出矣則  
輔弼有久  
豈不足以  
興王業乎

起進諫曰昔楚莊王嘗謀國事羣臣皆莫能及  
罷朝而有憂色其臣縣尹申公叔時問曰君有  
憂色何以也曰寡人聞之世不絕聖國不乏賢  
必有其入也能得其師者王如湯之於伊尹得  
其友者霸如桓公之於管仲今寡人不才而羣  
臣莫及者既不得師復不得友楚國其殆矣哉  
此則楚莊王之所憂而君乃說之臣竊為君懼  
矣於是武侯有慚色

料敵第二

武侯都安邑謂吳起曰今秦都咸陽脅迫於吾  
西楚都郢帶繞於吾南趙都邯鄲衝突於吾北  
齊都臨淄臨瞰於吾東燕都薊斷絕於吾後韓  
都宜陽據抗於吾前六國之兵四面與吾相守  
其勢甚有不佞憂此奈何起對曰夫安國家之  
道先事警戒為寶今君心已能警戒如是禍患  
其心遠矣臣請試論六國之風俗夫齊陳重而

王震澤曰  
各國情形  
如指諸掌

吳子副註

料敵

八

徐中行曰。無此實際。語亦空談耳。

不堅。以其後輕也。秦陳散而自鬪。以其尚功也。楚陳整而不久。以其民疲也。燕陳守而不走。以其性慤也。三晉我魏與韓趙之陳。皆治而不用。以其無死志也。夫齊人性剛忿。其國富饒。君臣驕奢而簡忽於細民。其政令寬緩而俸祿不均。平一陳而兩其心。前軍重而後軍輕。故雖重而不堅。固擊此之道。吾軍必三分之。以一當其前。二出獵其左右脅迫而從之。如逐獸然。則其陳

可壞矣。秦人性强悍。其地險阻。其政嚴重。其賞與罰兩信。其人前進不相讓。皆有爭鬪之心。故散處而各自為戰。擊此之道。必先示之以利。而誘引命去之。彼士貪於有得而離其將帥。於是乘其乖離。獵其散亂。設伏兵以投於可擊之機。則其將可取矣。楚人性柔弱。其地廣濶。其政騷擾。其民疲困。故雖整治而不能持久。擊此之道。襲亂其兵屯。先奪其三軍之氣。吾軍輕進而速。

謹我車騎  
必避之路  
八字恐有  
闕文誤字  
今姑為之  
詮耳註家  
釋謹為伏  
謂伏車騎  
於敵避逃

退數且如此使彼困弊而勞苦之勿與爭戰則其軍可敗矣燕人性慤實其民謹慎好勇義寡詐謀故其陣守而不走擊此之道觸而迫之當其前也陵而遠之嘗寇也馳而後之出其背也都是調敵之術使彼不得測則上將生疑而下卒懷懼於是致謹於我車騎不敢輕戰彼必當收軍避之路則其將可虜矣三晉者中國也其性和緩其政平均其民疲困於戰鬪習練於

甚之路牽強

戈平頭戟也盾干也戟小枝向正者也夷矛長二丈四尺酋矛長二丈皆

兵事輕蔑其將菲薄其祿士無效死之志故陳雖治而不為用擊此之道阻其陳而壓之眾來則絕而拒之兵去則追而襲之以勞倦其師此其擊韓趙之勢也然則我魏一軍之中必有虎賁之士力輕於扛鼎足輕於戎馬搴旗斬將必有能者若此之等簡選而類別之親愛而貴重之是謂三軍之司命其有工運用五兵材力輕健剽疾志在吞啖敵人者必加其爵列可以決

吳子副註

善

戈盾戟夷矛酋矛

勝矣。且厚待其父母妻子。使之無內顧之念。凡其有功罪。勸之以賞。畏之以罰。而無有差忒。則此堅陳之勇士。可與持守其久也。能審料此。則可以擊韓趙之一倍於我。魏者矣。武侯曰善。

吳子曰。凡料敵有不卜而可與之戰者八事。一曰。敵當疾風大寒。早天方興。寤即遷行。剖冰以濟水。不憚艱難。二曰。敵當盛夏炎熱。士卒晏興。促之發出。無或休息。閒歇。行驅飢渴之士。務於

士晏起未食

取遠道。三曰。師既淹久。糧食無有。百姓怨怒。妖祥數起。在上之人。尚貪多功。不能止息。四曰。軍資既竭。薪芻既寡。天適多陰雨。欲剽掠而無其錢穀所。五曰。徒眾不多。水地不利。人馬會患。疾疫四隣。援兵亦不至。六曰。道遠日暮。士眾勞懼。倦憊而未食。解甲胄而休息於路傍。七曰。將不厚而薄。吏不重而輕。士卒亦不堅固。三軍數驚擾。師徒又無助。援之者。八曰。行陳而未安定。舍次而

川澤

下以聽占  
以著八事  
不卜六事  
不占實非  
有異互文  
乃爾

劉太原曰  
不如二字  
至要審察

未完畢。行山阪。涉險阻。半隱於內。半出於外。諸  
敵。如此者。我擊之。則必勝。勿或遲疑不決。有不  
占而可避之者。六事。一曰。敵國土地廣大於我。  
人民富衆於我。二曰。上愛其下。恩惠之施。流布  
闔國。三曰。賞功必信。刑罪必察。凡其所發動。又  
必得時宜。四曰。陳顯有功者。使居行列。委任賢  
者。驅使能者。五曰。師徒之衆多。兵甲之精良。六  
曰。四隣之輔助。大國之救援。凡此類。我不如敵

孫子曰。不  
若則避之。  
又曰。強而  
避之。苟能  
避之。則知  
用隘。伺隙  
之利矣。不  
然。則小敵  
之堅。大敵  
之擒也。

人則宜避之。勿須疑慮。兵志所謂見可勝而進  
戰後六事  
戰。知有難而退。避也。

知彼知己。百戰百勝。孫子既一句道盡。吳  
子則八戰六避。一一分疏。如耳提面命。然  
何其盡之盡也。文亦有紀律。與韓非相類。  
武侯問曰。吾欲觀敵之外。而以知其內之虛  
實。察其前進之勢。以知其退止之形。以定彼我  
之勝負。可得聞乎。起對曰。敵人之來。蕩蕩輕忽

舊說以必  
使無措已  
上為觀外  
知內以諸  
候未會已  
下為察進  
知止憑則  
謂並是觀  
外知內並  
是察進知  
止也但以  
一擊十為  
全勝而以  
半擊倍則  
為極大勝  
利耳愚又  
案武侯問  
定勝負而  
此答獨察  
敵之可負  
而不及其

可勝何也  
蓋敵反此  
可負則直  
為可勝者  
矣如是則  
我亦不為  
容易舉兵  
可也此意  
可推已

無謀慮。旌旗煩亂而不整。人馬數顧而思家。我  
一可擊。彼十。必使之倉皇無措。諸侯未會。合君  
臣未和。協溝壘未成就。禁令未施設。三軍洶洶  
警懼。欲前而不能。欲去而不敢。進退無據。以我  
半是一之半  
一半可擊彼。如倍。雖百戰而不危殆矣。  
倍是十之倍。跟前一十字。

武侯問敵必可擊之道。起對曰。凡用兵必須審  
察敵人之虛實。而趁其危急之際。乃可勝也。敵  
人遠來。新至。行列未定。則易亂。可擊。既食而未

設備。則易乘。可擊。士卒奔走。則氣不屬。可擊。士  
卒勤勞。則力不全。可擊。未得地利。則無據守。可  
擊。失天時。不順從。則乖便利。可擊。涉歷長道。後  
行未息。則前後不接。可擊。涉水半渡。則行列不  
整。可擊。險道狹路。則不能相救。可擊。旌旗亂動。  
則節制不立。可擊。陳數移動。則人心不定。可擊。  
將離士卒。則上下隔絕。可擊。人心恐怖。則氣阻  
神亂。可擊。凡若此者。選精銳以衝之。分兵眾以

吳子副註

治兵

十三

繼之急速擊之勿復致疑

黃暄伯曰戰以兩敵交鋒言擊則乘虛忽入猶霹靂從空中起耳故七書中人俱喜言擊法若是明明合戰必士馬相等強弱相敵乃敢對壘

治兵第三

武侯問曰用兵之道何先起對曰先明四輕二重一信曰何謂也對曰使地輕便於馬馬輕便於

於車車輕便於人人輕便於戰明知地之險易

則利於馳逐故地輕便於馬喂飼芻秣以其時

刻則馬輕便於車脂膏鏘鏜有餘不缺則軸滑

澤故車輕便於人兵刃鋒銳鎧甲堅固則有所

賴故人輕便於戰前進則有重賞後退則有重

刑二者行之皆以一信為將者審能曉達於此

制勝之主也

武侯問曰兵何以為勝起對曰以整治為勝又

王世懋曰  
可謂一字  
訣

問曰不在以衆勝乎對曰若法令不明賞罰不

擊金

鳴鼓

信金之不止鼓之不進雖有百萬之衆何益於

有約計似古語

用哉所謂整治者平居無事則上下有禮臨敵

而動則三軍有威我進而敵不可抵當我退而

亦進退也

旗也

前後斷

敵不可追躡前卻有節左右應麾雖絕而成陣

遠近離

孫武所云可與死可與生也

雖散而成行與之安與之危其衆可合之以聚

而不可離之以散可用之以戰而不可疲之以

猶縱

退雖投之於所往而天下莫敢當焉名之曰父

子之兵言其為一體也

禁止下同犯猶亂有所守

吳子曰凡為將行軍之道無犯行伍進止之節

有所養

有所恃

度無失士卒飲食之適宜無絕軍中人馬之力

遵奉負荷

量此三者為將者所以任其上令也能任其上

所謂以治為勝也

令則治之所由生也若進止不得度飲食不得

適馬疲人倦而不知解鞍舍止以休息之則所

平居且亂

況於

以不任其上令也上令既廢弛以居則亂以戰

戰于

則敗

吳子副註

十五



暴骸

吳子曰凡兵戰之場乃止屍之地也期必萬死

則得一生甘燒欄僥幸一生則入萬死其善為將者如

自分沒弱

坐漏船之中伏燒屋之下示以必死使敵之智

者不及謀勇者不及怒我必死奮勇以受敵可

與兵貴拙速同一意

也故兵志曰用兵之害猶豫不決為最大三軍

之災多生於狐疑無斷

吳子曰夫從軍之人常死乎其所不能敗乎其

攝

所不復故用兵之法教而戒之為先務假令一

害大災疑  
韵語

能與柔遠  
能通之能  
同謂優而  
習之

人學戰既習熟使其人遞教十人則教成十人

十人學戰既習熟又使其人遞各教十人則十

其十而教成百人百人學戰既習熟又使其人

遞各教十人則十其百而教成千人千人學戰

既習熟又使其人遞各教十人則十其千而教

成萬人至於萬人學戰既習熟則教成三軍者

容易也於是以此之在近待彼之遠來以此之

安佚待彼之勞倦以此之飽滿待彼之飢餓方

黃暄伯曰  
教習者在  
習器械又  
量力以教  
之何戰不  
克兵有五  
教耳目身  
足心也

其指麾也。其陣圓而忽方之坐而忽起之行而  
方亦忽圓 起亦忽坐 止亦忽行  
忽止之左而忽右之前而忽後之分而忽合之  
右亦忽左 後亦忽前 合亦忽分  
結而忽解之每一變皆習熟縱橫自在如臂之  
使指然乃始授其兵器以從事是謂主將教兵  
之事

吳子曰教戰之令使身短者持矛戟之長身長  
者持弓弩之短力強者持旌旗以運用自在也  
列草吹烹 氣勇者持金鼓以氣聲相感也怯弱者給廝養

嚴即裝也  
東漢避諱  
裝字皆用  
嚴字耳

以其易為也智慧者為謀主以其難為也鄉里  
相親比什伍相保護第一鼓整兵器第二鼓習  
陳法第三鼓趨飯食第四鼓嚴束營辦第五鼓  
出就行列聞鼓聲既合自第一至第五然後大  
將當舉旗而施令焉

武侯問曰三軍一進一止豈有道乎起對曰有  
幾  
無當天竈而陣無當龍頭而陣天竈者大谷之  
口恐見驅陷於谷中也龍頭者大山之端恐有

吳子副註

伏自上下擊也。必宜布陣於廣漠之野。左東豎青龍之旗，為一隊。右西豎白虎之旗，為一隊。前南豎朱雀之旗，為一隊。後北豎玄武之旗，為一隊。招搖之旗高，揭在上，為中軍。四面每隊齊待號令從事於旗下。是萬全不敗之陣也。必如是而後進止。則空隨其時而已。方將戰之時，則空審候風所從來也。風順則致士卒呼號而令從之，是進也。風逆則堅固陳列以待之，是止也。凡隨時之宜者，此類也。

劉太原曰：卒騎一本，作率騎，皆誤也。舊本作車騎，為是。

武侯問曰：凡畜養士卒所乘之騎，豈有方法乎？起對曰：有。夫馬必當安其處所，適勻其水草，以節其飢飽。冬則溫其廐，夏則涼其廐，刻剔毛鬣，灑湯滌浴，蹄也，以布鞞之。謹洗落四下，戢收其耳目，無令驚逸駭躍，調習其馳逐，閑慣其進止，必使人與馬相馴親，然後可使也。車騎之具，則鞍勒銜轡之類，必令堅完可也。凡馬不傷於末後，必傷於始初，不傷於飢

橫行二字  
於馬最切

餒。必傷於飽滿。方日暮道遠之時。必數生復數。  
下。寧勞於人。慎無勞馬。常令其力有餘。以備敵  
來覆我也。能明此數者。可以橫行天下。

畜騎之方。大抵與我邦所為無異。因思  
戰馬宜用野產。漢土馬稱駿足者。率皆野  
產有力。不似家畜合牝之易馴。官家自  
昔。寘牧於小金。佐倉峰岡足高之野。以養  
龍種。蓋亦為此也。故戰馬必取野產。至於

常用亦多畜此種為得。

論將第四

附眾威敵

吳子曰。夫總文武者。三軍之將也。兼剛柔者。用

著眼

兵之事也。凡人論將。常觀於勇。勇之於將。乃數

分中之一分耳。夫徒勇者。必輕。與人合戰。輕於

合戰。而不知利害。未可用也。故將之所當慎者

有五事。一曰統理。二曰嚴備。三曰果決。四曰戒

懼。五曰省約。統理者。治眾如治寡。嚴備者。一出

黃暄伯曰  
孫曰勢吳  
曰機揔是  
一局

轅門如見敵之在前果決者臨敵志在必死不  
懷生還戒懼者雖已克敵如始交戰之時省約  
者法令減省而不煩苛受君命即行而不辭於  
家敵破而後言返此為將之禮也故師旅出行  
之日有進而必死之顯榮無退而幸生之恥辱  
吳子曰凡兵有四機一曰氣機二曰地機三曰  
事機四曰力機三軍之眾百萬之師出張施設  
之輕重勢在於為將之一人三軍之勇怯係將

發動所由如弩牙然

如趙之井陘魏之馬陵

孫子校之  
以計而虛  
其情是兵  
之妙用也  
故十三篇  
以用開置  
之篇終以  
寓其意吳  
子所謂事  
機亦此秘  
也

之勇怯氣使然也是謂氣機路狹道險名山大

閣秦之潼關

塞十夫所守千夫不能過是謂地機善行開謀

以離之輕兵往來以疑之分散其眾使力不齊

使其君臣相怨上下相咎是謂事機陸戰則車

冒敵健輪

堅管轄水戰則舟利櫓楫士習戰陣操練有素

習

馬閑馳逐控御有法是謂力機知此四者乃可

知字要重看

重德仁邊

以為將然其嚴威恩德仁愛勇敢必足以率下

重威勇邊

安眾怖敵決疑故施令而下有所賴不敢犯其

吳子副註

平

軍旅之道  
在威一字  
威克厥愛  
允濟是也  
威耳威目  
威心使讀  
者竦然粟  
起毛孔

所在而寇有所怖不敢敵得是人而任之則國  
強失是人而去之則國亾是謂良將

小大

吳子曰夫鼙鼓金鐸所以威人耳旌旗麾幟所  
以威人目禁令刑罰所以威人心耳威於聲故  
聲不可不清亮目威於色故色不可不鮮明心  
威於刑故刑不可不嚴肅三者不立則雖有其  
國必然取敗於敵故兵志曰將之所麾莫敢不  
從而移將之所指莫敢不前而死

有韵

探知

吳子曰凡戰之要必先占其將智愚如何而察  
其才能如何因其形勢而用其權謀則不勞力  
而功可舉其將愚而輕信人可詐而誘之貪利  
而忽名可貨而賂之輕變動而無深謀可勞而  
困之上富而自驕下貧而怨上可離而間之進  
退士人多懷疑惑其衆無所依恃可震而走之  
士輕蔑其將而各有歸志塞平易之地開險隘  
之路可邀而取之進道平易退道險難不厭其

深入可來而前之。進道艱險。退道平易。恐其深入。可薄而擊之。居軍於下濕之地。水無所流通。霖雨數至。可灌而沈之。居軍於荒澤之中。草茅荆楚。幽深翳穢。風颯數至。可焚而滅之。停滯日久。不能移動。將士懈怠。其軍不為備虞。可潛往而襲之。

武侯問曰。兩軍對壘相望。不知其將之智愚。我欲相之。其術如何。起對曰。命賤而勇者。將領輕

探試 勇則深入 賤則不取奔北

銳之兵。以嘗之。務於奔北。無務於貪得。觀敵之來。士卒一坐一起。能從約束。則其政令以理也。其追奔北。佯為不及。其見有利。佯為不知。如此之將者。名為智將。宜勿與戰也。若其眾謹譁而不靜。旌旗煩亂而不整。其卒自行自止。不從號令。其兵或縱或橫。不聽約束。其追奔北。惟恐不及。其見有利。惟恐不得。則此為愚將矣。雖擁眾而可獲焉。不足畏也。

應變第五

武侯問曰。吾車既堅。吾馬又良。將士勇敢。兵衆強盛。卒然遇敵人。驚亂而失其行列。則如之何。

吳起對曰。凡戰之法。當嚴號令。固約束。白晝則

旛旗總名。

以旛旗旛麾爲之節。昏夜則以金鼓笳笛爲之。

笳捲蓋吹之。

節。麾之左則左。麾之右則右。鼓之進則進。金之

止則止。一吹笳笛而前行。再吹笳笛而聚於一

處。不從其令者立誅之。於是三軍服吾威。士卒

用吾命。以之戰。則每戰無強敵之不可勝。以之

攻。則每攻無堅陣之不可破矣。尚何驚亂失行之

之有乎。

武侯問曰。若敵衆我寡。爲之奈何。起對曰。避之

於平易。邀之於險阨。故語曰。以一擊十。莫善於

道路狹隘之阨。以十擊百。莫善於山阪峻絕之

古語止此。

險。以千擊萬。莫善於坑坎高下之阻。今有少士

卒。倉卒起。擊金鳴鼓。要於阨路。我雖有大衆。莫

楊外菴曰。迂儒必重人和而輕地利。不知衆寡不敵。不漫言入和此宋襄之仁義也。



不驚動。故語又曰。用衆者務平易。用少者務險隘。

士卒練習勢力之強。

武侯問曰。有師甚衆。既武且勇。背負乎高大阻

得地之利。

備禦固。

險之地。右山左水。深溝高壘。守以強弩。退陣徐

有節制。

遲。如山嶽之移動。進隊迅疾。如風雨之暴。至糧

無飢。

食又多。儲備敵既如此。難與頡頏。以長守則如

之。何起對曰。大哉問乎。此非車騎之力。可勝。乃

聖人之所謀也。能備千乘萬騎。兼之以徒步。分

此對唯舉一端耳。意有餘而言不能盡。

為五軍。各軍一衢。路夫五軍五衢。敵人必疑惑。莫

知我軍所加之處。敵若堅守。壁壘以固。其兵則

吾當急行。間諜以觀其謀慮。彼若聽吾使之說。

解之而去。則已。不聽吾使之說。至於斬吾使。焚

吾書。則不可。但已。必在所戰矣。於是當分五軍。

為五戰也。戰勝則勿追。防有伏也。不勝則當疾

走。引其入我伏。如是佯北。或又安緩而行。如怯

弱。而近則急疾戰鬥。一軍結其前。而不解。一軍

吳子副註

二十四

絕其後以挫勢。又兩軍銜枚而進。或左或右而襲其虛處。既而五路之軍交掩。至合以為一。急攻之。必有其利。此擊強之道也。

武侯問曰。敵近而薄我。欲捨去而無還路。我眾

甚恐懼。為之柰何。起對曰。為此之術。若我眾彼

寡。分兵更迭而乘之。可也。彼眾我寡。則當以義

方從之。從之無息。我極必死。則彼雖眾必可服

矣。

吳子隨問而答之。故如是其實。老將行兵。必先審其地利。又察其有伏與否。而後過。故從來無此虞耳。

武侯問曰。若遇敵於谿谷之間。傷多險阻。彼眾

我寡。為之柰何。起對曰。諸丘陵林谷。深山大澤。

疾行亟去。勿得緩行從容。恐為敵之所襲也。若

高山深谷。卒然相遇。必先鼓譟而乘之。進弓與

弩。且射且虜。乘人之不及也。審察其軍之治亂。

若亂則擊之。勿疑。若治則又當設奇以亂之。可

也。

武侯問曰。左右高山。地甚狹迫。吾師過此。卒遇

猶難下同

敵人欲擊之不敢前進欲去之不得後退為之奈何起對曰此謂谷戰雖眾不可用先召募吾材勇之士使之與敵相當輕足善走操持利兵以為前行矣復分車列騎隱伏之於四旁山中使相去數里無見露其兵也敵必堅陳固守進退皆不敢矣於是令吾軍從間道越山路出旌列旆行出於山外結營以俟之則敵人必懼焉乃令隱伏之車騎更迭出來以挑之勿令敵

得休息此谷戰之法也

武侯問曰吾與敵相遇於大水之澤傾覆車輪

沈沒車轅水薄車騎舟楫不設迫若進若退兩不

可得為之奈何起對曰此謂水戰無用車騎姑

且留車騎於其傍地令人登高阜四望必得水

廣狹淺深即情狀

之情狀知其廣狹盡其淺深乃可為奇以勝之

此奇即機無一定耳

矣敵若絕水則令其半渡而薄之可也

武侯問曰天久連雨泥濘馬陷車止此時四面

非老於戰事者竟不能答如此

受敵。吾三軍驚駭。則為之柰何。起對曰。凡用車者。陰濕則停。陽燥則起。貴高賤下。馳其堅強之車。可也。若進若止。必當從其晴雨高下之道。不可濫用也。敵人若犯忌而起。則必反此以逐其迹。必勝矣。

武侯問曰。暴寇卒來。剽掠吾田野。攘取吾牛馬。則如之何。起對曰。暴寇之來。必慮其強善守。吾壘勿輕出。以應彼將。暮去其裝載。必重其心。必

孫子謂暮氣歸避其銳氣擊其惰歸

懷恐怖。還退勢。在速疾。行伍必亂。有不連屬於是。追而擊之。則其兵可覆矣。

吳子曰。凡攻敵圍城之道。城邑既破。各入其宮。

御謂為已有

俸米

御用其在倉廩之祿秩。收取其在府庫之器物。

可也。軍之所至。在民間者。無刊其木。無發其屋。

馬牛羊雞犬豕

示只是招揭

無取其粟。無殺其六畜。無燔其積聚。示民無殘心。其有請來降者。聽許而安撫之。

劉太原曰。如漢高入關。籍吏民。封府庫。秋

吳子副詮

勵士

二十七

前三其字指君後五其字指民木屋粟一韻畜聚亦叶五無字並禁止

毫無犯此吳起蓋言王者之師馭變而不失其常是以終之應變也。

勵士第六

武侯問曰嚴刑明賞足以致勝乎起對曰嚴明之事多端臣不能悉說雖然非人主之所恃也夫發號施令而人樂仰聞興師動眾而人樂進戰交兵接刃而人樂效死此三者是人主之所恃也武侯曰致之奈何起對曰君舉有功者而

進饗之則雖無功者而勵之於是武侯設坐於

廟廷為三行以饗士大夫上功者坐於前行饗也簡

席兼重器如孟也等項牲用牛羊豕上牢次功者坐於中行

簡席器數差減無功者則坐於後行有簡席無

重器饗畢而出又頒賜有功者之父母妻子於

廟門外亦以功大小為差等有死事之家每歲

遣使者勞賜其父母著明不忘於心也行之三

年秦人興師臨於西河魏士聞之不待吏令著

介冑而奮擊者以萬數。武侯悅，召吳起而謂曰：子前日之教果行矣。起對曰：臣聞從來人性有剛柔之短長。一時士氣有勇怯之盛衰。君試發無功者五萬人，臣請率以當之。保其必勝矣。脫其不勝，則取笑於諸侯，失權於天下矣。固臣所甘心也。今使一死賊投棄身命者，伏於曠野，千人共往追之，莫不梟視狼顧。何者？恐其暴起而害己也。是以一人投命，且足以懼懼千夫。今臣

梟豷不見物，故數視狼，性怯，故多顧。

黃暄伯曰：分別車騎與徒界限，甚明，誰敢推避。

威震天下，一句言不特勝秦也，不若勝秦。

以五萬之衆而爲一死賊，率此以討之，固將難敵矣。於是武侯從之，以無功者五萬人，什之起，乃兼并車五百乘，與騎三千匹，率此而破秦，五十萬衆，此勵士之功也。先戰一日，吳起令三軍曰：諸吏士當從吾令，以受敵之車騎，與徒兵。若我車戰者，不得敵之車；我騎戰者，不得敵之騎；我徒戰者，不得敵之徒。雖破秦軍，皆與無功等。故接戰之日，其令不煩瑣，而威武震天下。

申戒之詞

吳子副證

二十九

王陽明曰。握機揣情。確有成畫。俱實實可。見之行事。故始用於魯而破齊。繼入於魏而破秦。晚入於楚而楚伯身試之。頗有成効。彼孫子兵法。較吳豈不深遠。而實用則難言矣。想孫子特有意於著書成名。而吳子第就行事言之。故其効如此。

開卷一章。劉太原謂後人總敘。今案通篇亦恐非吳親述。第出於其徒。非後世贗鼎耳。

江都 男 梶  
大橋順 全校

吳子副詮

渡邊鞆敬書

三都

京都寺町通松原下

勝村治右衛門

大坂心齋橋通安寧寺町

秋田屋太右衛門

同北久太郎町

河内屋喜兵衛

同博勞町

河内屋茂兵衛

同南久寶寺町

伊丹屋善兵衛

江戸日本橋通二丁目

須原屋茂兵衛

同通二丁目

山城屋佐兵衛

同芝神明前

岡田屋嘉七

同横山町三丁目

和泉屋金右衛門

同芝神明前

和泉屋吉兵衛版

書肆



早稲田大学図書館

011888006828